



~  
L 18  
0



# Eynreitung

Keyserlicher Maiestat auff die kronung gen Bononia.



Caus deo. M. D. xxix. Ad 5. No-  
uembri in Bononia.

Am mitwoch / das ist am dritten tag No-  
uembri / da ist R. M. gen Castel franco ko-  
men mitt all seym volck / wie hernach gemelt /  
vnd ist da gelegen bis auff iiii. Ditto darnach  
ist er mit seym Heer auff Bononia zu geruckt /  
vnd vmb die. vi. vhr zum thor eyn kummen / da  
sind gewesen xxv. kardinal / die sind von den  
eseln abgestanden vnd seiner M. entgegen gan-  
gen ein halben büchsen schusz weyt / vnd sein  
R. M. empfangen / da ist seyn M. zu ross stil ge-  
sessen bliben / vnd yhn gross reuerentz bewisen /  
nachmals sind die kardinal widerumb auffge-  
sessen vnd haben R. M. in ein kloster gefurt eyn  
welsche meil von Bononia / ist zu seiner M. ge-  
ritten kardinal Anthoni / kardinal Vernese / da  
ist R. M. mit all seim zeug vber nacht gelegen /  
dasselb mal ist yhm auch von Bononia entge-  
gen geriten ob vier tausent man zu ross / nach-  
mals am freytag / ist am v. Nouembri / ist sein  
M. eingeriten wie nachfolgt / nemlich vnd erst-  
lich vñ vor her geriten. 300. leichte pferd all wol  
gerüst mit spies vnd harnisch / in einer farb als  
wullen fleid geklait / nach dem selben hat man  
gefurt. 10. püchsen auff redern / darunter 3wo  
gantz schlangen / vier halb schlangen vnd vier  
andere feldgeschos / nach dem selben geschos  
sind gangen bis. 100. paurn guastadori mit sch-  
auffeln / hacken graben zu dem geschütz verore-  
dent / all mit marieten auss lorberlaub in hen-  
den tragenn / auff die sind getzogen xiiii. fenlin-  
teutscher knecht / so lang zu Mailand vnter dem  
Anthoni

Anthoni Leua gelegen sind / vnd vor yn her all  
yr hauptleut vnd dopel soldner zu roß fast wol  
geputzt / auff sie die fuchs schützen / vnd nach  
denselbigen hat man tragē den Anthoni Leua  
in eym prauen samaten sessel / vnd sind die an  
dern knecht mit spiessen auf yhn zogen / vnd die  
xiiij. fenlin in iij. glidern auf ein zogen / dysß kne  
cht sind fast wol erputzt gewesen / aber wie es  
xiiij. fenlin sind gewesen / so sind es doch vber  
3000. knecht nit geweest / auff das teutsch volgt  
ist gezogen zwen gros herrn in lauter füris mit  
yhr parsten vnd wapen röß von gulden stück /  
yeglichem ein fanen vor gefurt / ein fanen gantz  
gölde / darinnen ein schwartzē Adler / der ander  
fanen ist gantz weis damast geweest / darin ein  
rot creutze / das ist der kirchē fanen / daran der  
babst / auff die ist nachmals der raißig zeug ge  
zogen.

Erstlichen Hans singer derēs mit eym hauf  
fen bis in 300. füris / all inn blob gelb rot reyster  
röß gefleit / auch sind darnach die Hispanis  
schen herrn mit yhren raißigen auffß aller köst  
lichst in seiden gefleit / vnd bey vier hundert für  
riser mit yren parsthen / all in gülden vñ silbern  
stück gefleit / auff dieselben ist zogen K. M. edlen  
knaben der sind xxv. gewesen inn gelb samaten  
rößen auff schönen Janetten / vnd darunter et  
lich mit gülden parsten / vñ köstlich schön feder  
püsch vñ geschmuck / Nachfolgent aber etlich  
Hispanisch herrn / auffß aller köstlichst in eitel  
gülden stücken voller harnisch vnd gülden apa  
rat all yhrer Janetter / auff die selben K. M. tra  
banten / deren sechs hundert geweest / all in gel  
ben kleidern mit prau vñd graw verbrembt /  
2 ij Darunter

Darunter die R. M. geriten vnter ein gülden bla  
mel auff ein weissen hengst auff das schönst /  
mit ein gülden pis / fornimment vnd gülden stega  
reiffen / auch R. M. in einem gantzen küris / da  
rüber einen gülden wapen rock an / doch das  
pferdt mitt keiner parst gedeckt vnd vor seyner  
M. sein geriten die vnd seyner M. Marschalck  
mit einem blossen schwert / vnd neben R. M.  
sind geloffen xxx. gut edel leut von Bononia / vñ  
gülden leybrock mit weyssem Atlas vbertzogen  
vnd darob zerschnitten / vnd rot samatin hosen  
mit roten kermesin wames von Atlas.

Auff die R. M. ist nachfolgent geritē der graf  
von Massa küriser mit einer gülden parst vnd  
gülden leybrock auff yhn aber viel herrn all inn  
gantzen küris / auff dieselben R. M. nemlich bey  
100. küriser in gelben samatin röcken / auff diesel  
ben des grafen von Massa studierij / der. lxxx.  
küriser in schwartz gekleydt / vnd nachmals vil  
schöner studier / yr allweg. 100. küriser in yeden  
auch yeder studier yr eygen liurey fast wol ge  
rüst sind gewesen / Nach allen den pferden ist  
gezogen. vi. fenlin spanier / welche R. M. mit yr  
vber hat pracht / den merer teil püchschützē  
mit gelben hosen / doch gantz grosse fenlin / vñ  
vnter disen fenlin sind nit vnter. 3000. knecht ge  
wesen spanier.

Als die geringen pferdt sampt dem geschütz  
vñ den teutschen knechtē / so vnter dem Antho  
ni Leua sind / auff den platz für den Babst kum  
men sind / da hatt sich der Babst mitt grosser  
köstligkēyt aus dem pallast auff ein sessel lassen  
tragen / sind zogen erstlich seyn officiales zu fus  
nachmals all sein Imbasadoren vnd die xxx.  
kardinal

Kardinäl/dornach der Babst getragen wie ob  
ben steet auff ein stellung / so auff der stiegen  
sanct Petroni kirchenn dartzu war auffgericht  
worden/vnd darinnen der Babst auff ein sessel  
lon sitzen vnd sein Kardinäl auch Imbasadoren  
vnd officiales/ vnd vmb yn gestanden sind sey  
ner gwarden/vnd als die K.M. vnter das thor  
sant Felix genandt/ist kummen/da ward yhm  
vnsrer Herr am Creutz fürgehalten/den küsst  
seyn M. darauf ward ausgeworffen müntz/vil  
gelt/eitel ducaten vnd Cronen vnd dopel ducate  
ten/dis werffen weret léger dan ein halbe stüd  
mit eytel gold/nachmals in d gantzē stat warf  
man gelt aus eytel müntz / auch etlich Cronen  
in gold/das man schetzt bis in 3000. ducate sey  
ausgeworffen worden/Vnd als K.M. auff dē  
platz kam bis zu der stiegē/ist sein M. von dem  
pferd abgestanden sampt dem grafen vō Massa  
vnd etlich ander herrn/vnd ist also sampt dem  
selben vnd seyner M. gwarden vnter dem gü. dē  
himmel hinauff auff die vorgemelt stellung gane  
gen/vnnd als er hinauff kummen ist/ da ist der  
Babst auffgestanden vnd sich drey mal gegen  
seyner M. geneygt / Vnnd als seyner M. zu dem  
Babst hinzu kummen ist/ist er auff beyde knye  
gefallen/vnd dem Babst seyner füs geküsst/vnnd  
nachmals aufgestanden vnd ym die hent küsst/  
vnnd nachmals an die backen/darnach ist er  
wider auf des Babsts gerechte seyten gekniet/  
vnd also kniet bliben bis die andern herrn all  
yhm die füs küsst haben/Also kniet hat K.M.  
gesagt zum Babst/Heyliger vater/ich bin bey  
ewer heyligkeyt/da ich mich lange zeyt auf ge  
frewt hab / erbeut mich eyn des väter des  
2. in Christlichen

Christlichen glauben/vñ meyn werck solle mer  
frucht bringē als meine wort / Solche wort  
hat er in Latein zum Pabst gesagt / also ist der  
Pabst auffgestandē vñ sein K. M. drey mabel  
kust an sein backē / vñ gesagt / Key. Mai. ich  
beger gnad vñ gib mich schuldig / Dat auch  
der Keyser gebettē / er soles nit fur vbel haben  
das er ym die fuß hat lassen kussen / vñ gesagt  
es sey nicht sein wil gewesen/aber die Cerimo  
niē wöllens also habē wañ eyn Keyser die kron  
holet / Also habē sie an einander weltlich em  
pfangē / vñ hat der Pabst K. M. bey seyner ge  
rechten hand ab dem gestiegen gefurt auff die  
stieg / ist nachmals der Pabst in pallast getra  
gen wordē / Dñ Keyserliche Maiestat ist gangē  
in die kirchē von Sant Petronij / vñ da eins he  
ligen heupt kust / vñ widerumb mit seynē herrn  
zu fuß in pallast gangē / da waren mechtig vil  
trummer vñ pñsaunē vñ mechtig vil zincken  
sam keine der iungst tag. Auch wo K. M. ge  
riten oder gangē ist der iung als reich vñ arm  
alles fur vñ fur mit heller vñ lauter stim geschri  
en Diua limperio per mar et per terra / eyn solch  
geschrey wardt / das manch man vñ frawen  
vor freudē die liechtē zehet weyneten / vñ mit  
weynendē augē geschryē / Furwar ein köstliche  
er ernstlicher einzug ist gewesen / da auch K.  
M. vor dem Pabst knyet / war er gantz frö  
lich vñ gutter ding / schenckt dem Pabst eyn  
guldē seckel / darinnē eytel guldē medaien mit  
K. M. heupt / auch des Ferdinandus heupt /  
vñ ander hubsch medaien / als mit einander ge  
schetzt auff vier tausent ducatē in gold / Nach  
mals wie K. M. in dem pallast ist gewesen /  
da ist



Da ist im pallast das gros geschos abgange zu  
samt etliche vil mörser/vñ alle die.3000. hackē  
vñ halb hackē/auch mit grossen freuden feur  
auff dem platz / auch mit allen glockē geleut/  
so in der gantzē stat waren/nachmals ist yeder  
man zu haus zogē/vñ K. M. geschos ist mitte  
ob dem platz blibē/gegē dem platz sind knecht  
mit eynem fenlin/das stehet fur vñ fur da/Am  
sechsten tag ist K. M. den gantzē tag mit dem  
Babst in Rätenn gessen / vñ adi ditto ist seyn  
K. M. dergleichen den halben tag zu rath ge  
sessen vñnd beschlossen / das die krönung abhe  
volbracht sol werden .

Faint, illegible text, likely bleed-through from the reverse side of the page. The text is arranged in approximately 12 lines.


77 L 1059


ULB Halle 3  
002 814 129



56.







31

